



# АДОЛАТ

IJTIMOIIY-SIYOSIIY GAZETA

info@adolatgzt.uz

www.adolatgzt.uz

www.adolat.uz

№ 8 (1229)

2019-yil 22-fevral, juma

## НЕФТЬ-ГАЗ ВА КИМЁ САНОАТИНИ ЯНАДА РИВОЖЛАНТИРИШ МАСАЛАЛАРИ АТРОФЛИЧА МУХОКАМА ҚИЛИНДИ

Ўзбекистон Республикаси Президенти Шавкат Мирзиёев 21 февраль куни нефть-газ ва кимё саноатида олиб борилаётган ислохотлар натижадорлигини таҳлил қилиш, ушбу тармоқларни тизимли ривожлантириш масалаларига бағишланган йиғилиш ўтказди.

Мамлакатимизда ёқилги-энергетика соҳаларини уйғун ривожлантириш ва энергия манбаларини диверсификация қилиш бўйича изчил ишлар амалга оширилмоқда. Бу иқтисодий тармоқлари ва аҳолининг энергия ресурсларига ортиб бораётган эҳтиёжини қондиришда муҳим омил бўлмоқда.

Жорий йилги Инвестиция дастурига мазкур соҳа бўйича умумий қиймати 27,8 миллиард долларлик 26 та лойиҳа киритилган. Президентимиз ушбу лойиҳалар билан ҳар куни шуғулланиш, уларнинг ўз муддатида ва сифатли амалга оширилишини таъминлаш зарурлигини таъкидлади.

Энергетика ва Молия вазирликларига "Шўртан газ-кимё мажмуасининг тозаланган метани негизда синтетик суюқ ёқилги (GTL) ишлаб чиқаришни ташкил этиш" лойиҳаси бўйича 2,3 миллиард долларлик хорижий кредитларнинг молиялаштириш шартларини белгилаш, "Шўртан газ-кимё мажмуасининг ишлаб чиқариш қувватларини кенгайтириш" лойиҳаси бўйича Россия "Газпромбанк"нинг 300 миллион долларлик кредитини жалб қилиш вазифаси юклатилди.

Муборак газни қайта ишлаш заводи, Шўртан-нефтьгаз ва Газлинефтьгаз корхоналарида суюлтирилган газ ишлаб чиқариш, нефть ва газ қазиб чиқариш, геологик қидирув ускуналарини сотиб олиш каби лойиҳаларга талаб этиладиган маблағларни мамлакатимизнинг еврооблигациялари ҳисобидан молиялаштириш лозимлиги таъкидланди.

2-БЕТ



## Хуқуқ ва мажбурият

### чамбарчас боғлиқ тушунча

Юртимизда сўнгги йилларда миллий хуқуқ тизимида кўлами ва моҳияти нуқтаи назаридан ислохотларнинг янги даври бошланди. Янги даврнинг муҳим талаби сифатида инсон хуқуқ ва эркинликларини, унинг қонуний манфаатларини амалда таъминлашга нисбатан муносабатни тубдан ўзгартириш — тизимдаги ислохотларнинг бош ғоясига айланди.

Ўзбекистон "Адолат" СДП Сийёсий Кенгаши Марказий аппарати ва Қонунчилик палатасидаги фракцияси ташаббуси билан Тараққиёт стратегияси марказида ташкил этилган "Юксак хуқуқий маданият — қонун устуворлигининг гарови" мавзусидаги давра суҳбатида ҳам мамлакатимизда фуқароларнинг хуқуқий онг ва маданиятини юксалтириш жараёнида уларда қонунларга нисбатан хурмат ҳиссини мустаҳкамлаш, ҳар бир фуқаро ўз хуқуқлари билан бирга хуқуқий мажбуриятларини ҳам бажариши лозимлигини тушунтириш ҳақида сўз юритилди.

2-БЕТ

## ПЛЕНУМ

### Партиянинг ислохотчилик роли

#### унинг сайловчилар ўртасидаги мавқеи билан белгиланади

Аввал хабар қилганимиздек, жорий йилнинг 7 февраль куни Ўзбекистон "Адолат" социал-демократик партияси Сийёсий Кенгашининг навбатдаги пленумида партиянинг барча даражадаги тузилмалари ва депутатлик корпуси томонидан 2018 йилда амалга оширилган ишлар танқидий таҳлил қилиниб, жорий йилга мўлжалланган устувор вазифалар белгилаб олинди.

Партия Сийёсий Кенгашининг мазкур йиғилишида белгиланган вазифалардан келиб чиқиб, шу кунларда Ўзбекистон "Адолат" СДП ҳудудий кенгашларининг навбатдаги пленумлари бўлиб ўтмоқда. Ушбу анжуманларда 2018 йилги фаолият якунлари ҳамда 2019 йилда ҳудудий партия ташкилотлари ва депутатлар олдида турган долзарб вазифалар муҳокама этилмоқда.

4-БЕТ

2-БЕТ

## ДОЛЗАРБ МАВЗУ

### Инқирозга учраётган яйловлар янги қонун асосида қайта тикланади

Кейинги йилларда мамлакатимиз ички бозорига гўшт маҳсулотлари нархи кескин ошиб бораётгани кенг жамоатчиликда фикр уйғотиб, мутахассислар бу борада турли сабаб ва омиллар ҳусусида сўз юритишмоқда. Олий Мажлис Қонунчилик палатаси депутатлари томонидан олиб борилган ўрганиш ва таҳлиллар чорва хўжалигининг асосий озуқа манбаи ҳисобланган яйловлар инқирозга учраётгани ва ундан фойдаланишни қонун билан тартибга солиш зарурати мавжудлигини кўрсатди. Ана шу мақсадда Қонунчилик палатасининг бир гуруҳ депутатлари томонидан ишлаб чиқилган "Яйловлар тўғрисида"ги қонун лойиҳаси шу кунларда куйи палатада қизғин муҳокама қилинмоқда.

Биз ушбу қонун лойиҳасининг ташаббускорларидан бири, Ўзбекистон "Адолат" СДП фракцияси аъзоси Шўхрат Якубов билан мазкур қонун лойиҳасининг долзарблиги ва аҳамияти, унда белгиланаётган нормалар ҳамда қўйилаётган натижалар ҳақида суҳбатлашдик.

3-БЕТ

## ТУЯНИ ШАМОЛ УЧИРСА...

### Ҳоким ўринбосари



### ОГОҲЛАНТИРИШДАН САБОҚ ЧИҚАР(А)ДИМИ?

Маълумки, Президентимизнинг 2018 йил 20 апрелда "Фуқароларни ижтимоий қўллаб-қувватлаш бўйича қўшимча чора-тадбирлар ҳамда ўзбошимчилик билан қурилган турар жойларга нисбатан мулк хуқуқини эътироф этиш бўйича бир марталик умумдавлат акциясини ўтказиш тўғрисида"ги фармони қабул қилинди. Бу ҳужжат уй-жой масаласида шу каби муаммага ечим топишга қийналган кўплаб фуқаролар дилида катта умид ва ишонч уйғотди.

Аммо ушбу ҳужжатда белгиланган вазифаларни амалга оширишда масъулиятсизликка йўл қўйиш ҳолатлари ҳам учрамоқда. Қуйида ана шундай ҳолатлардан бири ҳақида сўз юритилади. Давлат идорасига мурожаат йўллаган фуқаро қонун устуворлигига ишонч ҳосил қилиб, асослантирилган жавоб олишни кутади. Аммо мурожаат қилган фуқаролардан бири сал бўлмаса Алининг ҳақини Валига тутқазиб юборадиган давлат идораси масъул ходимларининг ишга соувқонлиги, эътиборсизлиги боис панд еб қолай деди. Қандай қилиб, дейсизми?

Бугунги кунда Халқ қабулхоналари давлат органлари билан аҳоли ўртасида очиқ мулоқотларни йўлга қўйиш, долзарб муаммоларни аниқлаш, мурожаатларнинг қонуний ва сифатли кўриб чиқилишини таъминлашда самарали механизмга айлангани "Халқ давлат идораларига эмас, давлат идоралари халқимизга хизмат қилиши керак" деган тамойил амалиётга изчил татбиқ этилаётганидан далолат беради.

2

бунда солиқ органларининг масъулияти муҳим

## ДАВРА СУХБАТИ

### Сайлов қонунчилигидаги ўзгаришлар

#### ЖАМОАТЧИЛИК НИГОҲИДА

Сайловлар демократия кўзгуси ҳисобланиб, унинг очиқ-ошкора ва шаффоф тарзда ўтишида хуқуқий асосларнинг ҳаётий ва халқчил тарзда ишлаб чиқилиши муҳим аҳамият касб этади. Бу эса халқимиз учун сайлов жараёнларининг қонуний ва адолатли ўтишини тўла таъминлаш имконини оширади.

2019 йил 18 февраль куни Олий Мажлис Қонунчилик палатаси томонидан қабул қилинган "Ўзбекистон Республикаси Сайлов кодексини тасдиқлаш ҳақида"ги қонун ҳам шу мақсадда ишлаб чиқилди. Ушбу кодекс орқали жамиятдаги энг муҳим масалалардан бири — сайловларнинг хуқуқий асослари янада мустаҳкамланмоқда.

Жорий йил декабрь ойида бўлиб ўтадиган муҳим сийёсий воқеалик — парламентга ва халқ депутатлари маҳаллий Кенгашларига сайловларда мазкур кодексдаги янгиланган амалий жараёнларга тўғри татбиқ эта олиш ҳар бир партия аъзосидан алоҳида кўникма ва фаоллик талаб этади.

Шу мақсадда жорий йилнинг 19 февраль куни Олий Мажлис Қонунчилик палатасидаги партия фракцияси ташаббуси билан Ломоносов номи Москва давлат университети Тошкент шаҳар филиалида Сайлов кодексининг мазмун-моҳиятига бағишланган давра суҳбати бўлиб ўтди. Унда Олий Мажлис Қонунчилик палатасидаги партия фракцияси аъзолари, Тошкент шаҳар ва Тошкент вилоятидаги маҳаллий Кенгашлар депутатлари, партия фаоллари ва экспертлар иштирок этишди.



### Инсон манфаатлари ҳамма нарсадан устун

Хўш, жойларда Халқ қабулхоналари қандай фаолият олиб бораёпти? Муаммо ва камчилар юзасидан мурожаат этаётган юртдошларимиз инсон манфаатлари йўлида хизмат қилаётган бундай қабулхоналар кўмагидан мамнунми? Юқоридаги саволлар билан Чирчиқ шаҳар Халқ қабулхонаси мудири Жасур ХУҲАЕВОВга мурожаат қилдик.



6-БЕТ

### Тадбиркорлик субъектларини паспортлаштириш

бунда солиқ органларининг масъулияти муҳим













